

## **QEQQATA KOMMUNIANI KOMMUNIP SUSASSAQARFIISA INGERLANNEQARNERI PILLUGIT ILEQQOREQQUSAQ**

### **Kommunalbestyrelsi**

**§ 1.** Kommunalbestyrelsi 15-inik ilaasorta qarpoq.

*Imm. 2.* Kommunit aqunneqarnerat pillugu Inatsisartut inatsisaata nr. 22, 18. november 2010-imeersup (kinguliini aqutsinermut inatsimmik - taagorneqartoq) § 6 imm. 4 naapertorlugu kommunalbestyrelsi borgmesterip tullersortissaanik aappassaanillu toqqaassaaq.

**§ 2.** Kommunalbestyrelsip ataatsimiinnissaanut piareersaanermut, ataatsimiigiaqqusinermut ingerlan-neqarnissaanullu malittarisassat, aqutsinermut inatsisip § 1-ani imm. 3 aamma kapitali 2 naapertorlugit kommunalbestyrelsip suleriaasissaani aalajangersarneqassapput.

**§ 3.** Kommunalbestyrelsip ataatsimiinnerinut atatillugu borgmesterip suliassaanut malittarisassat suleriaasissami aqutsinermut inatsimmi kapitali 3 naapertorlugu aalajangersarneqassapput.

### **Ataatsimiititalianik pilersitsineq ataatsimiititaliallu suliassaannut il.il. maleruagassat nalinginnaasut**

**§ 4.** Aqutsinermut inatsimmi § 24 naapertorlugu aningaasaqarnermut ataatsimiititaliaq pilersinneqas-saaq.

*Imm. 2.* Aningaasaqarnermut ataatsimiititaliami borgmesteri, ataatsimiititaliami aamma siulittaasuujuti-gisoq, ilaasortallu allat kommunalbestyrelsip ilaasortaasa akornannit toqqaakkat ilaasortaassapput.

*Imm. 3.* Aqutsinermut inatsisip § 25-ani kapitali 5-ianilu ataatsimiititaliamut suliassiisutigineqartut aningaasaqarnermut ataatsimiititaliap suliassarai.

*Imm. 4.* Tamakku saniatigut aningaasaqarnermut ataatsimiititaliap aamma allaffeqarfimmut tunngasut (konto 1), isertitanut ernianullu tunngasut (konto 8) aamma susassa qarfigissavai.

*Imm. 5.* Ataatsimiititaliaq aningaasaqarnermut ataatsimiititaliamut kommunalbestyrelsimullu tuliuttutigut siunnersuusiorlunilu innersuusuteqartassaaq

- kommunimi pingaarnertut pilersaarusionerq, kiisalu
- nuna tamakkerlugu pilersaarusionermut kommunip ilanngunniagai

*Imm. 6.* Aningaasaqarnermut ataatsimiititaliap suleriaasissani ilumini aalajangersassavaa.

### **Ataatsimiititaliat ataavartut**

**§ 5.** Ataatsimiititaliat ataavartut tulliuuttut pilersinneqassapput:

1. Ilaqutariinnermut Isumaginninnermullu Ataatsimiititaliaq, tallimanik ilaasortalik.
2. Ilinniartitaanermut, Peqqinnermut, Sunngiffimmi sammisassanut Kultureqarnermullu Ataatsimiititaliaq, tallimanik ilaasortalik.
3. Inuussutissarsiutinut Takornariaqarnermullu Ataatsimiititaliaq, tallimanik ilaasortalik.
4. Teknikkeqarnermut, Aatsitassarsiornermut Avatangiisinullu Ataatsimiititaliaq, tallimanik ilaasortalik.
5. Aalisarnermut Piniarnermut Nunaqarfiillu pillugit Ataatsimiititaliaq, tallimanik ilaasortalik.

*Imm. 2.* Ataatsimiititaliat iluminni siulittaasussartik toqqassavaat, tak. aqutsinermi inatsimmi § 27, imm. 1.

*Imm. 3.* Ataatsimiititaliat iluminni suleriaasissatik aalajangersassavaat, takuuk aqutsinermi inatsimmi § 28, imm. 2.

**§ 6.** Ilaqutariinnermut Isumaginninnermullu Ataatsimiititaliap isumaginninnermut tunngasut (konto 4) susassaqaqfigissavai, tulliuuttut ilanngullugit

- meeqqanut inuusuttunullu ikiuinissamut tunngasut
- pisortaniit ikiorsiisutit
- utoqqarnut tunngasut
- sulisinnaajunnaarnersiutillit
- innarluutillit puiortunngortunullu tunngasut
- pinaveersaartitsineq
- ilaqutariinnut kiffartuussiviit
- qimarnguviit
- Meeqqanut akilersuisussaataaneq ikiorsiissutillu allat

*Imm. 2.* Ataatsimiititaliaq isumaginninnikkut ineriartortitsinissamut tunngasutigut aningaasaqarnermut ataatsimiititaliamut kommunalbestyrelsimullu siunnersuusiorlunilu innersuussuteqassaaq.

*Imm. 3.* Ataatsimiititaliaq kommunit Namminersorlutik Oqartussaniit suliassatigut tigussatigut imminermut tunngasutigut, matumani ineriartortitsinissamik pilersaarutit ilanngullugit aningaasaqarnermut ataatsimiititaliamut kommunalbestyrelsimullu siunnersuusiusaaq innersuussuteqarlunilu.

**§ 7.** Ilinniartitaanermut, Peqqinnermut, Sunngiffimmi sammisassanut Kultureqarnermullu

Ataatsimiititaliap, Ilinniartitaanermut, Peqqinnermut, Sunngiffimmi sammisassanut

Kultureqarnermullu tunngasut (konto 5) susasaqarfigissavai, tulliuuttut ilanngullugit

- atuarfeqarfiit / ilinniartitaanerlu
- meeqqeriveqarneq / fritidshjemmillu
- inuusuttut ornittagaat
- timersorneq (illup iluani silamilu)
- piorsarsimassutsimut tunngasut
- sunngiffimmi sammisassaqaqtitsineq periarfissallu
- peqatigiiffiit
- katersugaasivik, atuakkanillu atorniartarfik
- nipilersornermut ilinniartarfiit
- peqqinneq

*Imm. 2.* Ataatsimiititaliaq kommunip atuarfiutaani atuartitsinermi pilersaarutiniq, kiisalu matuma qulaaniittugit ineriartortitsinissamut tunngasutugit aningaasaqarnermut ataatsimiititaliamut kommunalbestyrelsimullu siunnersuusiorlunilu innersuussuteqassaaq.

*Imm. 3.* Ataatsimiititaliaq kommunit Namminersorlutik Oqartussaniit suliassatigut figusassatigut imminermut tunngasutugit, matumani ineriartortitsinissamik pilersaarutit ilanngullugit aningaasa-qarnermut ataatsimiititaliamut kommunalbestyrelsimullu siunnersuusiusaaq innersuussuteqarlunilu.

**§ 8.** Inuusutissarsiutitut Takornariaqarnermullu Ataatsimiititaliap, Inuusutissarsiutitut Takornariaqarnermullu tunngasut (konto 3) susasaqarfigissavai, tulliuuttut ilanngullugit

- inuusutissarsiutitut tunngasut
- takornariaqarneq
- Majoriaq / Jobcenter (suliffissaaleqineq piginnaanngorsanerlu ilanngullugit)
- Suliffeerunnermi ikiorsiissutit
- nutaaliernerit
- Erhvervsråd (ACB)
- Havneråd

*Imm. 2.* Ataatsimiititaliaq inuusutissarsiutitigut takornariaqarnikkut suliffissaqaqtitsiniarnermilu ineriartortitsinissamut tunngasutugit aningaasaqarnermut ataatsimiititaliamut kommunalbestyrelsimullu siunnersuusiorlunilu innersuussuteqassaaq.

*Imm. 3.* Ataatsimiititaliaq kommunit Namminersorlutik Oqartussaniit suliassatigut figusassatigut imminermut tunngasutugit, matumani ineriartortitsinissamik pilersaarutit ilanngullugit aningaasaqarnermut ataatsimiititaliamut kommunalbestyrelsimullu siunnersuusiusaaq innersuussuteqarlunilu.

**§ 9.** Teknikkeqarnermut, Aatsitassarsiornermut Avatangiisinullu Ataatsimiititaliap, Teknikkeqarnermut, Aatsitassarsiornermut Avatangiisinullu Ataatsimiititaliamut tunngasut (konto 2 – konto 23-22 pinnagu), pilersuinermut tunngasut (konto 6) kiisalu sanaartornermut tunngasut (konto 7) susasaqarfigissavai, tulliuuttut ilanngullugit



- sanaartorneq / inissianullu tunngasut
- angallanneq (immakkut, silaannakkut aqqusinikkullu)
- sarfamik, imermik kiassanermullu pilersuineq
- illoqarfiit nunaqarfiillu pilersaarutaat
- nunaminertanik sanaartofissanulu tunngasut
- kuuffissuit – eqqaaneq
- ikuallaavik
- sannavik
- upalungaarsimaneq
- kangerlussuarmut aqqusineq
- aatsitassarsiorneq
- qimmeqarneq
- uumasuaqqanik nungusaaneq

*Imm. 2.* Ataatsimiititaliaq aningaasaqarnermut ataatsimiititaliamut kommunalbestyrelsimullu tulliuut-tutigut siunnersuusiorlunilu innersuussuteqassaaq

- kommunimi sukumiisumik pilersaarusiaq
- kommunip sanaartortitassatut pilersaarutai
- matuma qulaaniittunut atatillugu ineriartortitsinissamik pilersaarutit il.il.

*Imm. 3.* Ataatsimiititaliaq kommunit Namminersorlutik Oqartussaniit suliassatigut tigussatigut imminermut tunngasutigut, matumani ineriartortitsinissamik pilersaarutit ilanngullugit aningaasaqarnermut ataatsimiititaliamut kommunalbestyrelsimullu siunnersuusiusaaq innersuussuteqarlunilu.

**§ 10.** Aalisarnermut, Piniarnermut Nunaqarfiillu pillugit Ataatsimiititaliap, Aalisarnermut, Piniarnermut Nunaqarfiillu pillugit tunngasut (konto 23-22) susassaqaqfigissavai, tulliuuttut ilanngullugit

- aalisarneq piniarnerlu
- kalaalimineerniarfiit
- piniarnermut allagartat
- aalisarnermut piniarnermullu akuerissutinik pisassiisutinillu agguaneq
- nunaqarfiit

*Imm. 2.* Ataatsimiititaliaq aalisarneq, piniarneq aammalu nunaqarfiit pillugit ineriartortitsinissamut tunngasutigut aningaasaqarnermut ataatsimiititaliamut kommunalbestyrelsimullu siunnersuusiorlunilu innersuussuteqassaaq.

*Imm. 3.* Ataatsimiititaliaq kommunit Namminersorlutik Oqartussaniit suliassatigut tigussatigut imminermut tunngasutigut, matumani ineriartortitsinissamik pilersaarutit ilanngullugit aningaasaqarnermut ataatsimiititaliamut kommunalbestyrelsimullu siunnersuusiusaaq innersuussuteqarlunilu.

## Nunaqarfinni Aqutsisut

§ 11. Itillimi Sarfannguanilu ataatsimoorluni aqutsisut tallimanik (5) ilaasorta qarput. Atammimmi Napasumilu ataatsimoorluni aqutsisut tallimanik (5) ilaasorta qarput. Kangaamiuni Nunaqarfinni Aqutsisut pingasunik ilaasorta qarput. Kangerlussuarmi Nunaqarfinni Aqutsisut pingasunik ilaasorta qarput.

*Imm. 2.* Nunaqarfinni Aqutsisut iluminni siulittaasussaminnik toqqaassapput, tak. aqutsinermi inatsi-sip § 51, imm. 3-a.

*Imm. 3.* Kommunip nunaqarfiini suleriaasissat nunaqarfinni pineqartuni tusarniutigereernerisigut kommunalbestyrelsip aalajangersassavai.

§ 12. Nunaqarfinni Aqutsisut ataatsimiinnissaanut piareersaanermut, ataatsimiigiaqqusinermit ingerlanneqarnissaanut malittarisassat, tamakkunani nunaqarfinni aqutsisut siulittaasuata susasaqarfii ilanngullugit, nunaqarfinni aqutsisut suleriaasissaasigut aalajangersaaffigineqassapput, tak. aqutsinermi inatsisip § 52-aniit 55-ianut.

§ 13. Nunaqarfinni aqutsisut tamarmik immikkut qanoq pisinnaatitaaffeqarneri, ileqqoreqqusamut ilanngussakkut kommunalbestyrelsip aalajangersassavaa.

*Imm. 2.* Ingerlatsineq kommunalbestyrelsimiit missingersuutitigut aalajangersakkat iluini maleruagassallu kommunalbestyrelsimiit akuerisaasut naapertorlugit ingerlatsisoqassaaq.

## Ileqqoreqqusami allannguutit

§ 14. Ileqqoreqqusaaq manna aappassaaneerneqareeruni maj-ip 11-iani 2017- imiit atuutilissaaq.

§ 15. Ileqqoreqqusamut matumunnga allannguutissatut aamma ilassutissatut siunnersuutit kommunalbestyrelsip ataatsimiinnerini marlunni sivikinnerpaamik ullunik 14-inik akunneqartillugit aqutsinermut inatsimmi § 1, imm. 2 naapertorlugu suliarineqassapput. Allannguutit ilassutillu akuersissutigineqartut Naalakkersuisunut aqutsinermut inatsimmi § 1, imm. 4 naapertorlugu nassinneqassapput.

Taamatut isikkoqartillugit kommunalbestyrelsip ataatsimiinnerani april-ip 26-ani 2017-imi siullermeerneqarnerini aappassaaneerneqarlunilu maj-ip 11-ani 2017-imi akuersissutigineqarput.



Malik Bertheisen  
Borgmesteri



Paneeraq Olsen  
Kommuniani pisortaaneq